

Visoka škola računarstva i informatike eMPIRICOM
SENAT

Broj: 04-02-01-377/21-005/21

Tuzla, 08.11.2021. godine

Na osnovu člana 17. i 18. Statuta Visoke škole računarstva i informatike eMPIRICOM, Senat Visoke škole računarstva i informatike eMPIRICOM, na sjednici održanoj 08.11.2021. godine donio je

ODLUKU

o usvajanju izmjena i dopuna Statuta Visoke škole računarstva i informatike eMPIRICOM

Član 1.

U članu 40. Statuta Visoke škole eMPIRICOM broj: 04-03-02-191/20-002/21 od 18.02.2021. godine (u daljem tekstu: Statut Visoke škole eMPIRICOM), dodaje se novi stav 2) koji glasi:

„Izuzetno, ukoliko je tokom akademske godine od strane nadležnog organa proglašeno stanje prirodne ili druge nesreće ili je zbog epidemiološke situacije došlo do prekida redovnog rada i funkcionisanja visokoškolske ustanove, usljed čega, imajući u vidu mjere i preporuke nadležnih organa, nastavu na Visokoj školi eMPIRICOM nije bilo moguće organizovati u cjelosti u skladu sa klasičnim pravilima i principima, student ima pravo upisa naredne godine studija uz mogućnost prijenoša najviše četiri nastavna predmeta nezavisno koliko zajedno nose ECTS bodova.“

Dosadašnji stavovi 2), 3) i 4) postaju stavovi 3), 4) i 5).

Član 2.

U članu 43. Statuta Visoke škole eMPIRICOM, dodaje se novi stav 4) koji glasi:

„Student imatrikulant ima pravo dovršiti započeti studij po nastavnom planu i nastavnom programu koji je važio prilikom upisa u prvu godinu studija i steći odgovarajuće stručno, odnosno naučno zvanje prema propisima koji su važili u vrijeme upisa u prvu godinu studija, isključujući retroaktivnu primjenu dodatnih obaveza.“

Dosadašnji stavovi 4), 5) i 6) postaju stavovi 5), 6) i 7).

Član 3.

Član 51. stav 1) Statuta, mijenja se i glasi:

„ Za lakše povrede obaveza studenata, studentu se mogu izreći sljedeće mjere:

- a) opomena;
- b) javna opomena.“

Član 4.

U članu 51. Statuta Visoke škole eMPIRICOM, dodaje se novi stav 2) koji glasi:

„ Za teže povrede obaveza studenata, studentu se mogu izreći sljedeće mjere:

- a) opomena;
- b) javna opomena i

c) isključenje sa Visoke škole eMPIRICOM, i to u trajanju od 1 (jedne) do 3 (tri) akademske godine. “

Dosadašnji stav 2), briše se.

Član 5.

Član 66. Statuta Visoke škole eMPIRICOM, mijenja se i glasi:

”

- 1) Visoka škola eMPIRICOM može za potrebe izvođenja nastave, putem javnog konkursa koji se objavljuje u sredstvima javnog informisanja i na web stranici Visoke škole eMPIRICOM, izabrati u nastavno zvanje lice koje ispunjava propisane uslove za izbor i angažovati u nastavi lice bez zaključenog ugovora o radu.
- 2) Ako se na osnovu javnog konkursa iz člana 65. ovog Statuta ne izvrši izbor u zvanje, Senat može donijeti odluku da u toku studijske godine za potrebe realizacije nastavnog procesa, bez zasnivanja radnog odnosa, angažuje člana akademskog osoblja sa druge domaće ili strane visokoškolske ustanove ili profesora emeritusa.
- 3) Visoka škola eMPIRICOM bez raspisivanja javnog konkursa i bez zasnivanja radnog odnosa, može odlukom Senata angažovati istaknutog stručnjaka iz prakse za izvođenje određenih sadržaja nastavnog plana i nastavnog programa.
- 4) Za potrebe izvođenja nastave Visoka škola eMPIRICOM može angažovati domaćeg ili stranog nastavnika da, u svojstvu „gostujućeg profesora“, određeni period učestvuje u izvođenju nastave.
- 5) Prava i obaveze lica angažovanih u izvođenju nastavnog procesa na Visokoj školi eMPIRICOM, u smislu prethodnih stavova, bliže se uređuju ugovorom o angažovanju za realizaciju nastavnog procesa, u skladu sa općim aktima Visoke škole eMPIRICOM.
- 6) Ugovor o angažovanju u izvođenju nastave, u smislu stava (5) ovog člana ne može se zaključiti sa licem koje je pravosnažno osuđeno na kaznu zatvora u trajanju dužem od tri mjeseca, a u slučaju da je ugovor o angažovanju zaključen, Direktor će, bez odlaganja, jednostrano raskinuti zaključeni ugovor o angažovanju u izvođenju nastave po saznanju o postojanju slučaja iz stavova (2), (3) i (4) člana 56. Zakona o visokom obrazovanju („Sl. novine TK“, broj: 7/16, 10/16, 5/17, 15/17, 15/19, 9/20 i 17/21).
- 7) Angažovanje lica iz stava 2), 3) i 4) odobrava Senat, na prijedlog direktora. “

Član 6.

Ova odluka stupa na snagu danom donošenja.

PREDSJEDNIK
SENATA VISOKE ŠKOLE eMPIRICOM

mr.sci. Muhdin Mujačić, dipl.ing.el.

DOSTAVITI:

- 1x Senat Visoke škole eMPIRICOM;
- 1x Ministarstvo obrazovanja i nauke Tuzlanskog kantona
- 1x a/a.